

8. OBILJEŽAVANJE DANA GRADA U OSNOVNIM I SREDNJIM ŠKOLAMA

Datum: 06.04.2017. god. u toku trajanja nastave
Lokacija: Osnovne i srednje škole
Organizator: Direktori škola

9. XV ŠESTOAPRILSKI TURNIR U STRELJAŠTVU ZA OSOBE SA INVALIDITETOM

Datum: 06.04.2017. god.
Lokacija: Streljana u "Zetri"
Organizator: Streljački savez invalidnih lica FBiH

10. IX MEĐUNARODNI KUGLAŠKI TURNIR ZA SLIJEPE "SARAJEVO 2017."

Datum: 08.04.2017. god.
Lokacija: Olimpijska dvorana "Juan Antonio Samarán"
Organizator: Sportsko društvo slijepih i slabovidnih KS

11. EKIPNO PRVENSTVO GRADA OSNOVNIH ŠKOLA U ŠAHU

Datum: 06.04.2017. god.
Lokacija: Hotel "Saraj"
Organizator: Šahovski klub "Stari Grad"

12. X MEĐUNARODNI TURNIR U STRELJAŠTVU

Datum: 08.-09.04.2017. god.
Lokacija: Streljana "Zetra"
Organizator: Streljački klub "Sarajevo"

Obrazloženje:

- Izložba "Collegium Artisticum" u povodu Dana Grada Sarajeva je tradicionalna manifestacija u okviru koje istaknuti stvaraoči izlažu svoja najvrednija ostvarenja u protekloj godini. Ovom prilikom se dodjeljuju odgovarajuće nagrade Grada za koje Grad Sarajevo obezbjeđuje finansijska sredstva.
- S obzirom na pokrenutu inicijativu za preuzimanje osnivačkih prava za Historijski muzej BiH, a imajući u vidu da Historijski muzej BiH svake godine realizira brojne aktivnosti u povodu održavanja 6. aprila - Dana Grada Sarajeva, smatramo važnim da se tematska izložba i druge prateće aktivnosti uvrste u zvanični program obilježavanja Dana grada Sarajeva.
- Udruženje gitarista FBiH sa izuzetnim uspjehom već pet godina organizuje Sarajevo International Guitar Festival u povodu 6. aprila. Zbog njihovog dosadašnjeg uspjeha i međunarodnog ugleda smatramo važnim da se ova manifestacija uvrsti u zvanični program obilježavanja Dana grada Sarajeva.
- FK "Sarajevo" je prije rata bio organizator tradicionalnog šestoaprilskog turnira u fudbalu, a škola fudbala "Asim Ferhatović Hase" želi po uzoru na navedenu manifestaciju organizirati Međunarodni turnir za pionire pod nazivom "Bordo Open Sarajevo". Uzimajući u obzir da su učesnici turnira djeca, predlažemo da se ova manifestacija uvrsti u zvanični program obilježavanja Dana grada Sarajeva.
- Šestoaprilski kup u hrvanju "Kup Grada Sarajeva" je tradicionalna manifestacija sa blizu 200 učesnika iz regije i šire, a zahvaljujući kvaliteti učesnika, a posebno organizacije, nalazi se u kalendaru evropske asocijacije u hrvanju.
- Međunarodni turnir u košarci u povodu Dana Grada je najmasovniji i najkvalitetniji turnir za juniore u regiji, a među prvih pet turnira u Evropi. Ove godine će na turniru će učestvovati 22 ekipe (18 muških i 4 ženske) i to 6 juniorskih, 6 kadetskih, 6 pionirskih i 4 ženske ekipe u kadetskoj kategoriji. Manifestacija je međunarodnog karaktera uz potvrđeno učešće reprezentacija Hrvatske, Srbije, Slovenije, Crne Gore, Turske i Italije i naravno ekipa iz BiH. Naglašavamo da je ovo najmasovniji i najkvalitetniji košarkaški turnir u regiji.
- Međunarodni plivački miting "Sarajevo s ljubavlju" je tradicionalna manifestacija u okviru programa obilježavanja 6. aprila - Dana grada Sarajeva koja okuplja veliki

broj plivača svih uzrasta. Očekuje se nastup preko 80 strijelaca-invalida raznih kategorija invalidnosti iz svih krajeva naše zemlje, a očekuje se učešće ekipa iz Slovenije, Hrvatske, Makedonije, Srbije, Crne Gore i Mađarske. Gradska uprava je u proteklih devet godina redovno finansirala ovu manifestaciju.

- Osnovne i srednje škole tradicionalno u povodu 6. aprila održavaju časove historije na temu "Dan grada Sarajeva".
- Grad Sarajevo već dugi niz godina pruža finansijsku podršku organizaciji Šestoaprilskog turnira u streljaštvu za osobe sa invaliditetom. Ova manifestacija doprinosi osnaživanju osoba sa invaliditetom te u društvene tokove uključuje najranjivije kategorije našeg društva.
- Šestoaprilski kuglaški turnir za slijepe postao je najznačajniji turnir ove vrste u Evropi, te je značajno pomogao afirmaciji Sportskog društva slijepih Kantona Sarajevo i uključenju Unije slijepih Bosne i Hercegovine u IPSU - Svjetsku organizaciju slijepih za sport.
- Ekipo prvenstvo osnovnih škola u šahu je tradicionalna manifestacija koja je svake godine uvrštena u program obilježavanja Dana grada Sarajeva i koja okuplja veliki broj osnovaca koji žele da odmjere snage u šahu. Ovo je prilika da se učenici osnovnih škola druže i osvoje simbolične nagrade.
- Međunarodni šestoaprilski turnir u streljaštvu - gaganju vazdušnom puškom za seniore i seniorke po ISSF (Svjetska streljačka federacija) pravilima, održava se svake godine. Riječ je o manifestaciji koju Grad Sarajevo sufinansira već deseti put za redom.

ZAKLJUČCI:

1. Gradsko vijeće Grada Sarajeva daje ovlaštenje Gradonačelniku da može, a prije svega ovisno o finansijskim sredstvima namijenjenim za ovu manifestaciju, vršiti izmjene i dopune ovog Programa.
2. Zadužuje se Gradonačelnik Grada Sarajeva da na prijedlog Službe za obrazovanje, kulturu i sport i Stručne službe gradonačelnika svojom Odlukom odredi visinu finansijskih sredstava za navedene manifestacije, a sve u okviru pozicija i visine sredstava utvrđenih Budžetom za 2017. godinu.
3. Sredstva planirana u Budžetu Grada Sarajeva koja su namijenjena organizatorima manifestacija usvojenog Programa, a za plaćanje usluga javnim subjektima (kao što je zakup objekata, bazena i sl.) usmjeravat će se i plaćati u pravilu, direktno javnim subjektima koji pružaju te usluge.
4. Gradsko vijeće Grada Sarajeva zadužuje Gradonačelnika da na sjednici Gradskog vijeća, tj. nakon realizacije Programa 6. aprila podnese kompletan izvještaj o realizaciji sa svim finansijskim pokazateljima po svakom segmentu Programa.

SAGLASAN:

GRADONAČELNIK
Prof. dr. Ivo Komšić, s. r.**Komisija za statut i akte
Gradskog vijeća Grada Sarajeva**

Na osnovu člana 138. stav 2. Poslovnika Gradskog vijeća Grada Sarajeva ("Službene novine Kantona Sarajevo", broj 28/09), Komisija za Statut i akte Gradskog vijeća Grada Sarajeva, na sjednici od 12.01.2017. godine, utvrdila je prečišćeni tekst Odluke o uslovima i načinu dodjele "Šestoaprilske nagrade Grada Sarajeva".

Prečišćeni tekst Odluke o uslovima i načinu dodjele "Šestoaprilske nagrade Grada Sarajeva" obuhvata: Odluku o uslovima i načinu dodjele "Šestoaprilske nagrade Grada Sarajeva" ("Službene novine Kantona Sarajevo", broj 48/15 - Prečišćeni tekst) i Odluku o izmjenama i dopunama Odluke o

uslovima i načinu dodjele "Šestoaprilske nagrade Grada Sarajeva" ("Službene novine Kantona Sarajevo", broj 27/16).

Broj 02-02-47-1/17
12. januara 2017. godine Sarajevo

Zamjenik predsjedavajućeg
Komisije za Statut i akte
Gradskog vijeća Grada Sarajeva
Husein Šehalić, s. r.

ODLUKA

O USLOVIMA I NAČINU DODJELE "ŠESTOAPRILSKE NAGRADE GRADA SARAJEVA" (PREČIŠĆENI TEKST)

Član 1.

"Šestoaprilska nagrada Grada Sarajeva" (u daljem tekstu: Nagrada) dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva,

bez obzira na godinu ostvarenja, a koji doprinose ukupnom unaprjeđenju, promociji i razvoju Grada Sarajeva, kao glavnog grada Bosne i Hercegovine i Federacije Bosne i Hercegovine.

Član 2.

Pod značajnim ostvarenjima, u smislu ove Odluke, podrazumijevaju se djela ostvarena u kontinuitetu koja se ocjenjuju kao doprinos razvoju odgovarajuće oblasti, u skladu s kriterijima uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Član 3.

Za dodjelu Nagrade, početkom januara, u sredstvima javnog informiranja objavljuje se javni poziv za predlaganje kandidata za dodjelu Nagrade u tekućoj godini.

Nagrada se dodjeljuje:

- Pojedincu,
- Grupi (okupljenim pojedincima na realizaciji određenih poslova s rezultatima koji se mogu razmatrati u kandidaturi za dodjelu Nagrade kao značajna ostvarenja, odnosno značajni rezultati rada), i
- Kolektivu (privrednom društvu, ustanovi, udruženju i drugom pravnom subjektu s područja grada Sarajeva, kao i onom van područja grada Sarajeva, ako se njihova ostvarenja, odnosno rezultati rada odnose na grad Sarajevo).

Član 4.

Nagrada se ne može dodijeliti organima uprave svih nivoa vlasti u BiH, izabranim funkcionerima, poslanicima i vijećnicima svih nivoa vlasti u Bosni i Hercegovini za vrijeme trajanja njihovih mandata, kao ni zaposlenima u organima uprave svih nivoa vlasti u BiH za ostvarenja koja se odnose na djelovanje u okviru djelokruga posla koji vrše u organu uprave.

Član 5.

Nagrada se dodjeljuje u obliku povelje, uz novčani iznos koji odlukom utvrđuje Gradsko vijeće na prijedlog Administrativne komisije Gradskog vijeća.

Kad se Nagrada dodjeljuje grupi, svaki član grupe dobija povelju.

Novčani dio Nagrade iz stava 1. ovog člana, raspoređuje se članovima grupe u jednakim iznosima.

Član 6.

Povelja iz člana 5. stav 1. i 2. Odluke sadrži tekst: "BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO, GRAD SARAJEVO", sa suhim grbom Grada Sarajeva, centriran na vrhu stranice formata A3. Ispod teksta iz stava 1. ovog člana, ispisuje se sljedeći tekst: "Na

osnovu Odluke Gradskog vijeća Grada Sarajeva o dodjeli "Šestoaprilske nagrade Grada Sarajeva", broj __, dodjeljuje se:". Na sredini povelje je tekst: "ŠESTOAPRILSKA NAGRADA GRADA SARAJEVA", ime i prezime lica, odnosno imena članova grupe ili naziv kolektiva kojima se Nagrada dodjeljuje. Ispod teksta iz prethodnog stava, ispisuje se kratko obrazloženje, odnosno navodi se oblast rada i stvaralaštva u kojoj je dobitnik Nagrade ostvario značajne rezultate. U donjem lijevom uglu je oznaka datuma, mjesta i broja odluke, a u donjem desnom uglu je potpis gradonačelnika Grada Sarajeva. O izgledu Povelje, odlučuje gradonačelnik uz prethodno mišljenje Komisije za izbor i imenovanja. Uz Povelju se uručuje i Odluka Gradskog vijeća Grada Sarajeva o dodjeli "Šestoaprilske nagrade Grada Sarajeva" za odgovarajuću godinu, kojom se utvrđuje vrsta i sadržaj Nagrade, dobitnik Nagrade, te uručivanje Nagrade od strane gradonačelnika na svečanoj sjednici Gradskog vijeća Grada Sarajeva.

Član 7.

U jednoj godini može se dodijeliti najviše šest Nagrada, iz svake oblasti jedna, bez obzira da li se radi o pojedinačnoj, grupnoj ili kolektivnoj Nagradi.

Nagrada se istom licu, iz člana 3. Odluke, može dodijeliti samo jedanput.

Član 8.

Nagrada se dodjeljuje svake godine i uručuje 6. aprila, na Svečanoj sjednici Gradskog vijeća. Nagradu uručuje gradonačelnik i Predsjedavajući Gradskog vijeća.

Član 9.

Pravo predlaganja kandidata za Nagradu imaju privredna društva, ustanove, udruženja građana, grupe od najmanje 200 građana i druga pravna lica, sa područja Sarajeva.

Subjekti iz stava 1. ovog člana, nemaju pravo isticanja sopstvene kandidature za Nagradu.

Prijedlog iz stava 1. ovog člana podnosi najviši kolektivni organ upravljanja, odlukom tog organa o podnošenju prijedloga kandidata za Nagradu.

Pravo predlaganja kandidata za Nagradu ima i gradonačelnik.

Član 10.

Prijedlog iz stava 3. prethodnog člana dostavlja se u tri (3) primjerka sa detaljnim podacima i obrazloženjem.

Obrazloženje sadrži podatke o kandidatu, ukupan radni opus i posebne zasluge u oblasti zbog kojih se kandidat predlaže za Nagradu.

Član 11.

Gradsko vijeće obrazuje Odbor za dodjelu "Šestoaprilske nagrade Grada Sarajeva" (u daljnjem tekstu: Odbor).

Odbor iz stava 1. ovog člana čine članovi Komisije za izbor i imenovanje Gradskog vijeća i šest istaknutih javnih djelatnika iz oblasti za koje se Nagrada dodjeljuje.

Kolegij Gradskog vijeća Grada Sarajeva kandidira Komisiji za izbor i imenovanje kandidate za članove Odbora iz reda istaknutih javnih djelatnika, iz prethodnog stava. Komisija za izbor i imenovanje utvrđuje prijedlog i upućuje ga Gradskom vijeću Grada Sarajeva na razmatranje i usvajanje.

Predsjednik i zamjenik predsjednika Komisije za izbor i imenovanje Gradskog vijeća su predsjednik i zamjenik predsjednika Odbora.

Mandat članova Odbora iz reda istaknutih javnih djelatnika traje godinu dana.

Član 12.

Odbor iz prethodnog člana ove odluke, na prvoj sjednici, donosi Poslovnik kojim se uređuje način rada, a posebno se definira tajnost rada Odbora, do donošenja konačne odluke o dodjeli Nagrade.

Poslovníkom iz stava 1. uređuje se način glasanja Odbora i to tako da posljednji krug glasanja podrazumijeva brojčano ocjenjivanje prijedloga kandidata.

Član 13.

Nakon provedenog postupka za dodjelu "Šestoaprijske nagrade Grada Sarajeva" od strane Odbora, Gradskom vijeću se upućuje prijedlog za po dva prvorangirana kandidata, ukoliko postoji više kandidata koji ispunjavaju propisane uslove, za svaku oblast u kojoj se Nagrada dodjeljuje, o čemu Gradsko vijeće donosi konačnu odluku tajnim glasanjem.

Član 14.

Ukoliko Odbor ocijeni da određeni prijedlog kandidata ne ispunjava uslove za dodjelu Nagrade, Odbor može uputiti inicijativu prema ovlaštenim predlagачima, gradskim vijećnicima ili gradonačelniku, da podnesu prijedlog za dodjelu drugog priznanja ili nagrade Grada Sarajeva, u skladu sa Odlukom o priznanjima i nagradi Grada Sarajeva.

Član 15.

Nagrada koja se dodjeljuje pojedincu, odnosno grupi, može se oduzeti.

Pod oduzimanjem nagrade podrazumijeva se oduzimanje povelje pojedincu, odnosno članu grupe. Nagrada se oduzima ako je nagrađeno lice pravosnažnom sudskom presudom osuđeno od Međunarodnog suda za ratne zločine počinjene na teritoriji bivše Jugoslavije, ili koje je pravosnažnom sudskom presudom, od bilo kojeg suda sa područja Bosne i Hercegovine, osuđeno za krivično djelo protiv života i tijela na kaznu zatvora od najmanje godinu dana, protiv slobode i prava građana, protiv dostojanstva osobe i morala, protiv imovine, protiv pravosuđa, protiv službene i druge odgovorne dužnosti, protiv osnova društvenog uređenja i sigurnosti.

Nagrada se može oduzeti ako je nagrađeno lice pravosnažnom sudskom presudom osuđeno na kaznu zatvora preko tri godine ili težu kaznu, a ne radi se o krivičnom djelu iz prethodnog stava.

Član 16.

O oduzimanju Nagrade odlučuje Gradsko vijeće na prijedlog Odbora.

Odluka o oduzimanju Nagrade objavljuje se u "Službenim novinama Kantona Sarajevo" i sredstvima javnog informisanja.

Član 17.

Članovi Odbora imaju pravo na naknadu za svoj rad. Visinu naknade iz stava 1. ovog člana, utvrđuje Administrativna komisija Gradskog vijeća.

Član 18.

Sredstva za dodjeljivanje Nagrade i za rad Odbora obezbjeđuju se u Budžetu Grada Sarajeva.

Član 19.

Služba Gradskog vijeća vrši stručne i administrativne poslove i vodi evidenciju o dodijeljenim Nagradama.

Član 20.

Gramatička terminologija korištenja muškog i ženskog roda u ovoj Odluci podrazumijeva uključivanje oba roda.

Gradonačelnik

Na osnovu člana 13. stav 2. i 3. Zakona o javno - privatnom partnerstvu ("Službene novine Kantona Sarajevo", broj 27/11) i na osnovu člana 38. i 39. Statuta Grada Sarajeva ("Službene novine Kantona Sarajevo", broj 34/08), gradonačelnik Grada Sarajeva donosi

ODLUKU

O OPREDIJELJENOSTI USPOSTAVLJANJA JPP

Član 1.

(Predmet Odluke)

Grad Sarajevo se opredjeljuje za uspostavljanje JPP na realizaciji Projekta "Projektovanje, izgradnja, upravljanje i održavanje hotela "Vidikovac" na Trebeviću" sa Liste projekata koji se u 2017. godini planiraju realizirati kroz oblike javnog - privatnog partnerstva, donesene Odlukom Gradonačelnika, broj 01-05-6292/16 od 17.11. 2016. godine.

Član 2.

(Dokumentaciona osnova)

Javno - privatno partnerstvo na realizaciji projekta iz člana 1. ove Odluke, realizira se na osnovu Studije opravdanosti projektovanja, izgradnje, upravljanja i održavanja hotela "Vidikovac" na Trebeviću, od 30.11.2016. godine, autora prof. Dr. Elvira Ćizmić, a koja je sastavni dio ove Odluke.

Član 3.

(Stupanje na snagu i objava u službenim novinama)

Ova Odluka stupa na snagu danom stupanja na snagu odluke kojom Gradsko vijeće Grada Sarajeva daje saglasnost na ovu Odluku i objavit će se u "Službenim novinama Kantona Sarajevo".

Broj 01-05-7012/16
28. decembra 2016. godine
Sarajevo

Gradonačelnik
Prof. dr. Ivo Komšić, s. r.

OPĆINA HADŽIĆI

Općinsko vijeće

Na osnovu člana 24. Statuta Općine Hadžići ("Službene novine Kantona Sarajevo", br. 15/09, 17/12, 10/13 i 14/13 - ispravka), člana 28. Poslovnika Općinskog vijeća Hadžići ("Službene novine Kantona Sarajevo", br. 15/09 i 1/14) i člana 3. Odluke o osnivanju Zdravstvenog savjeta ("Službene novine Kantona Sarajevo", broj 6/13), Općinsko vijeće Hadžići, na Trećoj sjednici održanoj 29.12.2016. godine, donosi

ODLUKU

**O IMENOVANJU PREDSEDNIKA I ČLANOVA
ZDRAVSTVENOG SAVJETA**

I

Imenuju se predsjednik i članovi Zdravstvenog savjeta, i to:
ĐELILOVIĆ TARIK - predsjednik Zdravstvenog savjeta

KARIŠIK IRMA - zamjenica predsjednika Zdravstvenog savjeta

HORMAN ISMIĆ BELMA - članica

MUHIBIĆ NERMINA - članica

KESER IRMA - članica

KORJENIĆ EMINA - članica

RAMIĆ LEJLA - članica

PAŠKOVAN MIRELA - predstavnica škola sa područja općine Hadžići

KUSTURA MUAMER, dr. vet. med. - predstavnik

Veterinarske ambulante Hadžići

KORO IZET - predstavnik Jedinog općinskog organa uprave

BALIĆ ADNAN - predstavnik zdravstvene ustanove

OJ Dom zdravlja Hadžići

ĐUDERIJA dr. MURAT - predstavnik Zdravstvenog savjeta